

四庫全書

史部

欽定四庫全書

史部

欽定皇輿西域圖志卷

十九
二十

詳校官通政使_臣夢吉

檢討_臣德生覆勘

總校官候補中允_臣王燕緒

校對官中書_臣吳樹萱

謄錄監生_臣褚兆麟

欽定四庫全書

欽定皇輿西域圖志卷十九目錄

疆域十二

天山南路六

和闐屬

額里齊

托蘇拉固葉

哈朗歸塔克

皮什雅

玉隴哈什

哈喇哈什

博羅齊

卑窪勒

博爾烏匝克

吉爾布斯喀藏

瑪枯雅爾

烏哈什

巴爾漢期伊克

勒沁托海

素勒坦雅伊拉克

額克里雅爾

喀提里什

塔喀克

瑪爾占鄂勒氏

吉拉木雅伊氏

巴什布克色木

鄂托喇布克色木

愛雅克布克色木

伯德里克鄂托克

伯什阿喇勒

齊克齊鄂托克

波斯湯托郭喇克

齊爾拉

塔克

克勒底雅

阿勒屯郭勒

蘇格特

巴爾呼都克

阿氏爾干

欽定皇輿西域圖志卷十九目錄

欽定四庫全書

欽定皇輿西域圖志卷十九

疆域十二

天山南路六

和闐屬 東至克勒底雅郭勒入砂磧又東至阿氏
爾干西至阜窪勒鄂斯騰接葉爾羌界南至南山
北盡和闐達里雅接阿克蘇界

額里齊

額里齊舊對音為伊立齊距京師一萬二千一百
五里和闐境內村莊櫛比最著者凡六城曰額里
齊曰哈喇哈什曰玉隴哈什曰齊爾拉曰塔克曰
克勒底雅咸屬和闐而額里齊當道衝為之首所
屬有罕第雅爾齊莊諸城向受回首和卓木約束
乾隆二十年駐劄阿克蘇尚書舒赫德遣散秩大
臣鄂對侍衛齊凌扎布噶布舒傳檄往撫時逆賊
霍集占遣使在其地六城伯克聞

天朝使至即擊逐逆黨迎我使臣入城奉檄欣喜傾心
降服留鄂對等以鎮撫之其後賊以和闐僻遠大
兵不能到率衆來攻鄂對等鼓勵降回悉力城守
與賊相持三閱月會將軍兆惠富德等自葉爾羌
旋兵阿克蘇途次聞信遣副都統巴圖濟爾哈爾
瑚爾起等統兵千名赴援和闐方困於賊而大兵
適至與鄂對等合我師偵知賊衆駐營哈喇哈什
城外將往勦擊忽大霧彌漫人對面不相見遂乘

霧急行既薄賊營賊始覺迎戰官兵奮勇衝突賊
驚潰竄去追奔數十里和闐復定事在二十四年
三月和闐回長漠咱吧爾霍集斯伯克子也初霍
集斯伯克再赴將軍兆惠營投誠時遣其子漠咱
吧爾入

覲曲宴重華宮

御製重華宮曲宴和闐回長漠咱吧爾

已卯

朝天兼值預朝正曲宴宜教沐寵榮爾父誠為識時務

漢咱吧爾之父霍集斯伯克先以緝獻達瓦齊得邀獎
齊比大兵討回部復自烏什赴阿克蘇投將軍兆惠軍
營隨征自効而王臣詎有限裨瀛是日御前行走蒙古
遣兵子入覲青海諸王公皆在座

舊宮小會輕齊史
新城來賓願武成
入律東風方奏達
春臺樂與物咸亨

御製和闐賊遁詩以誌事

并序
巳卯

和闐為回部扼要重地所屬六城曰伊立齊哈拉哈
什玉隴哈什齊喇塔克克里雅而統名之曰和闐先
是將軍兆惠遣侍衛齊凌扎布噶布舒及回長鄂對

伯克等往招歸順繼大軍被圍小和卓木遣賊黨往
攻和闐齊凌扎布噶布舒等分守伊立齊哈拉什玉
隴喀什三城百計抵禦以待援師其餘三城力不能
支復叛降賊兆惠等解圍之後即遣副都統巴圖濟
爾噶爾瑚爾起等分兵馳救望見賊營時值大霧彌
漫我師乘勢奮勇直前衝擊殲其渠魁阿布都海里
克及和集雅斯二人鄂斯滿被創竄去餘賊悉遁和
闐得以解圍其三城仍即撫定

傳檄曾聞定六城狂且怒臂致加兵力單三堡重去聲反

覆

伊立齊哈拉哈什玉隴哈什被圍時齊喇塔克克里雅城內降回度守禦單弱不能自存隨後叛從賊

計守十旬實勇誠產玉河邊遁敵騎採花沙上識王旌
古稱羊侃斯為盛何吝嘉勤爵賞行

御製翻譯名義集正訛

歲辛卯為

皇太后八旬大慶年欲敬書華嚴全部以祝

無量壽算因取宮藏明宣德間金書經閱之則稱于閩國

三藏沙門實又難陀譯于闐之名見漢書即今所正為和闐而自古及今不易之回部也回部本自有回經不信佛教不宜有名僧譯佛經之事命考翻譯名義集則所載畧同心知其非而不能為之說也問之章嘉國師乃知實又難陀本梵僧之高行者以今同文韻統證之應為施噉利納低而直書之則為施利難低此實又難陀所由訛而訛尚不至大相逕庭也施利難低生于鄂德納答直書之則為鄂等答

德納切漢字不可得當作吳人呼等音乃近之

乃天竺之西印度也唐時此僧自天竺至中國譯經實

見於梵經

天竺

番經

西藏

及漢經高僧傳此鄂等答所由訛

為子闡而其訛乃不啻魯魚亥豕矣於是霍然去疑而

憮然恨法雲

宋僧作翻譯名義集者

之不悉心考究誤後世為不

淺也雖然彼以一漢僧不深解梵語番語梵音番音即

漢文亦非通今博古之大手筆也而勤索二紀乃成是

編則其用力之苦亦有可尚向作萬象莊記所謂賴有

失實者存而得以考是非辨差訛未嘗無小補者未足

深怪也既正其訛乃命司事者一依同文韻統所定書
其名地至全集之似此錯謬者想復不少當付章嘉國
師二更正夫鄂等答訛為于闐不過音韻之偶誤耳遂
致疑天竺為回部並有疑回部亦有佛教者展轉耳食
愈幻愈遠豈特失之毫釐而且謬以萬里吾更因之瞿
然有戒於綸綍之悖矣

漢書西域傳于闐國王治西城去長安九千六百
七十里東北至都護治所三千九百四十七里南

與婁羌接北與姑墨接西通皮山三百八十里

後漢書西域傳于闐國居西城去長安所居五千

三百里去洛陽萬一千七百里建武末莎車王賢

強盛攻并于寘徙其王俞林為驪歸王明帝永平

中于寘將休莫霸反莎車自立為于寘王休莫霸

死兄子廣德立後遂滅莎車從精絕西北至疏勒

十三國皆服從而鄯善王亦始強盛自是南道自

蔥嶺以東唯此二國為大順帝永建六年于寘王

放前遣侍子詣闕貢獻元嘉元年長史趙評在于
寘病癰死評子迎喪道經拘彌拘彌王成國與于寘王
建素有隙乃與評子云于寘王令胡醫持毒藥著
創中故致死耳評子信之還入塞以告敦煌太守
馬達明年以王敬代為長史達令敬隱覈其事故
先過拘彌成國復說云于寘國人欲以我為王今
可因此罪誅建于寘必服矣敬貪立功名且受成
國之說前到于寘設供具請建而陰圖之或以敬

謀告建建不信旦日建詣敬坐定建起行酒敬叱左右執之吏士並無殺建意時成國主簿秦牧隨敬在會持刀出曰大事已定何為復疑即時斬建于寘侯將輸熨等遂會兵攻敬敬持建頭上樓宣告曰天子使我誅建耳于寘侯將遂焚營舍燒殺吏士上樓斬敬輸熨自立為王國人殺之而立建子安國馬馬達聞之欲將諸郡兵出塞擊于寘桓帝不聽徵達還而以宋亮代為敦煌太守亮到開

募于寘令自斬輸契時輸契死已經月乃斷其頭
送敦煌而不言狀亮後知其詐竟不能出兵于寘
恃此遂驕

魏畧戎盧國扞彌國渠勒國皮冗國皆并屬于闐
魏書西域傳于闐國在且末西北蔥嶺之北二百

餘里東去鄯善千五百里南去女國二千里去朱
俱波千里北去龜茲千四百里去代九千八百里
其地方亘千里連山相次所都城方八九里部內

有大城五小城數十城南五十里有贊摩寺即昔
羅漢比丘盧旃為其王造覆盆浮圖之所石上有
辟支佛跣處雙跡猶存于闐西五里有比摩寺云
是老子化胡成佛之所真君中世祖詔高涼王那擊
土谷渾慕利延慕利延懼驅其部落渡流沙
那進軍急追之慕利延遂西入于闐殺其王死者
甚衆顯祖末蠕蠕寇于闐于闐患之遣使素目伽
上表望救顯祖詔公卿議之公卿奏曰于闐去京

師幾萬里蠕蠕之性惟習野掠不能攻城若為所拒當已旋矣雖欲遣師勢無所及於是停師不行先是朝廷遣使者韓羊皮使波斯波斯王遣使獻馴象及珍物經于闐于闐中於王秋仁輒留之假言慮有寇不達羊皮言狀顯祖怒又遣羊皮奉詔責讓之自後每使朝獻

水經注釋法顯自烏帝西南行

佛國記作烏夷

路中無人

民沙行艱難所逕之苦人理莫比在道一月五日

得達于閩其國殷庶民篤信多大乘學威儀齊整
器鉢無聲南城一十五里有利刹寺中有石鞞石
上有足跡彼俗言是辟支佛跡法顯所不傳疑非
佛跡也

按和閩為于閩轉音乃西域回部而列史多稱
其奉佛教由晉以來莫能訂其舛今自西陲者
定于閩隸我版圖如前史所載地有河源山多
美玉者皆厯厯可尋而回俗相沿不奉佛法亦

無所謂辟支舊蹟者與歷代史書所載不符伏

讀

御製翻譯名義集正訛灼知和闐為自古及今不易之
回部自有回經不信佛教而史所稱譯經奉佛
之于闐則當為鄂等答乃天竺之西印度其地
迥不相涉自酈道元水經注始稱釋法顯來至
于闐其國多大乘學又寺中有石鞞佛跡魏收
以下修史者多據以為于闐奉佛故實然辟支

佛跡語為法顯佛國記所未載道元尚且疑之
其不足據審矣而踵其說者不加深考遂至牽
謬支離皆由未嘗親履其境又不習西土語音
耳食相仍沿襲滋誤豈若今日聲教所通詳微
目覩之足以傳信哉茲恭錄

御製文以標定論而諸書所述于闐奉佛故事間錄一
二以見事不審真每多傳會存其說正以斥其
妄耳

隋書西域傳于闐國王姓王字卑示閉練山多美

玉

唐書西域傳于闐或曰瞿薩旦那亦曰渙那曰屈

丹北狄曰于遁諸胡曰豁旦距京師九千七百里

瓜州羸四千里并有漢戎盧杆彌渠勒皮山故地

西有沙磧王姓尉遲氏名屋密本臣突厥貞觀六

年遣使者入獻後三年遣子入侍阿史那社柰之

平龜茲也其王伏闐信大懼長史薛萬備謂社柰

曰今破龜茲西域皆震恐願假輕騎羈于闐王獻
京師社不許之至于闐陳唐威靈勸入見天子伏
閣信乃隨使者來會高宗立授右衛大將軍子葉
護玷為右驍衛將軍留數月遣之請以子弟宿衛
上元初身率子弟首領七十人來朝擊吐蕃有功
帝以其地為毗沙都督府析十州地理志毗沙都
督府本于闐國貞觀二十二年内附初置州五高
宗上元二年置府析州為十

唐西域記

瞿薩旦那國周四千餘里沙磧大半壤

土隘狹王甚驍武

五代史四裔附錄

于闐國地君世物俗見於唐五

代亂世中國多故不能撫來四裔其常自通於中國者僅以名見其君世終始皆不可知而于闐尤遠去京師萬里外其國西南近蔥嶺與婆羅門為隣國而相去猶三千餘里南接吐蕃西北至疏勒二千餘里晉天福三年于闐國王李聖天遣使者

馬繼榮來貢晉遣供奉官張匡鄴假鴻臚卿彰武

軍節度判官高居誨為判官冊聖天為大寶

宋史作大

食

于闐國王是歲冬十二月匡鄴等自靈州行二

歲至于闐至七年冬乃還聖天又遣都督劉再昇
來獻漢乾祐元年使者王知鐸來

宋史外國傳于闐國去京師九千九百里西南抵
蔥嶺東接吐蕃西北入疏勒二千餘里嘉祐八年
以其國王為特進歸忠保順砮鱗黑韓王其王乞

賜此號也于闐謂金翅鳥為砮鱗黑韓益可汗之
訛也

明史西域傳于闐古國名自漢迄宋皆通中國永

樂四年遣使來朝仁宗後貢使漸稀于闐自古為

大國隋唐間侵并戎盧諸國其地益大南距蔥嶺

二百餘里東北去嘉峪關六千三百里大畧蔥嶺

以南賽瑪爾堪舊作撒馬兒罕今改正最大以北于闐最大

元末時其主暗弱鄰國交侵人民僅萬計悉避居

山谷生理蕭條永樂中漸行賈諸蕃復致富庶

按西域國名古今互易其不易者唯和闐之為古于闐猶存舊號史記後漢書作于寘顏師古注闐字與寘同音形別音同實為一字考許慎說文寘從宀寘從宀徐鍇注寘支義切寘待年切史記後漢書載于寘俱應從宀從真刻本作寘者非也唐書北狄曰于遁即闐字之轉音漢書于闐北接古墨西通皮山後漢書南道自蔥

嶺以東鄯善于寘二國為大是于闐固在南山
之北蔥嶺之東南道所經之國証以今時形勢
確無可疑魏書稱于闐在且末西北東去鄯善
是已乃云在蔥嶺北者誤指南山為蔥嶺故也
明史猶沿其說而實非是自今葉爾羌東境至
克勒底雅城東西千有餘里當為古于闐全境
魏書所謂其地方亘千里也南山峙其南瑪雜
爾塔克繞其北連山相次形勢猶存其云都城

方八九里部內有大城五是于闐所屬舊有五城及鎮城為六與今額里齊等六城之數適相符矣唐置毗沙都督府於此與焉耆龜茲疏勒號稱四鎮其地當吐蕃之衝是以假道勃律以取四鎮于闐實首受其敝云

托蘇拉固葉

托蘇拉固葉在額里齊城南

哈朗歸塔克

哈朗歸塔克在額里齊城南

皮什雅

皮什雅在額里齊城西南一百六十里有城垣不
當孔道其南即玉隴哈什哈喇哈什兩郭勒發源
處分流於城之東西三面距河各二十里許河以
外連山環抱即漢書所謂南山玉石之所出也

玉隴哈什

玉隴哈什在額里齊城東南三十里玉隴哈什郭

勒環抱之內民物繁庶無城垣而居六城之一所屬有薩木普拉莊寶義莊

哈喇哈什

哈喇哈什舊對音為哈拉哈什在額里齊城西北六十里居六城之一東傍哈喇哈什郭勒二里西距卑窪勒鄂斯騰二十里

唐書地理志于闐西五十里有葦闐

按唐于闐鎮城應屬今之額里齊西五十里之

卷十九
鞏關當在今哈喇哈什城東境

博羅齊

博羅齊在哈喇哈什西十里東南距額里齊城七
十里乾隆二十四年三月和闐陷於賊將軍兆惠
等遣將往援賊衆聞風西遁留其餘黨於博羅齊
以窺我師副都統瑚爾起巴圖濟爾哈爾等擊敗
之詳見額里齊條

御製博羅齊行

己卯

博羅齊者隣和聞賊回據險偵我軍先是圍解黑水困

元戎遣救掄二臣

去冬將軍兆惠兵備葉爾羌恃勇逞渡葉爾羌河以衆寡不敵為賊所困

乃築柵黑水之地相持累月小河卓木乘間遣賊黨往圍和闐六城已失其三逮副將軍富德統兵應援與兆惠夾擊破賊圍解之後兆惠與諸將集議遣副都統瑚爾起及巴圖濟爾噶爾率偏師馳救和闐 一為

瑚爾起吉林舊族世受恩一巴圖濟爾噶爾乃厄魯特

宰桑其勇誠超羣同心協力速赴援率軍數不能盈千

途歷戈壁不毛之地負甲步進無俄延哈拉哈什已垂

陷齊凌扎布馳來言夜急行至伊立齊時賊望風先逃

百步回人合言
卷十九
奔集兵拯哈拉哈什賴

天大霧彌漫漫乘霧直搗賊營後伺怠奮勇攻中堅斬將

擐旗獲輜重孤城恢復餘俱安昔薛延陀禱神能致雪

異因李勣終乃自敝焉此霧或亦敵鮚荅

西域習咒術者能禁制作

使風雲雨雪霜霧名為鮚荅

翻為我用成功全易云

天所助者順向猶未信今信然特盈知足感

帝祐敢肆志詡能開邊

卑窪勒

阜窪勒在哈喇哈什郭勒迤西二十里東南距額里齊城一百二十里村落毗連居民稠密東濱阜窪勒鄂斯騰由是西行踰黃水溝交葉爾羌界

博爾烏匝克

博爾烏匝克在額里齊城西

吉爾布斯喀藏

吉爾布斯喀藏在額里齊城西

瑪枯雅爾

瑪枯雅爾在額里齊城北

烏哈什

烏哈什在額里齊城北

巴爾漢期伊克

巴爾漢期伊克在額里齊城北

勒沁托海

勒沁托海在玉隴哈什城北一百里東傍玉隴哈

什郭勒西南距額里齊城一百六十里

素勒坦雅伊拉克

素勒坦雅伊拉克在勒沁托海北三十里東傍玉隴哈什郭勒西南距額里齊城一百九十里

額克里雅爾

額克里雅爾在素勒坦雅伊拉克北七十里東傍玉隴哈什郭勒西南距額里齊城二百六十里

喀提里什

喀提里什在額克里雅爾北七十里玉隴哈什郭

勒經其東哈喇哈什郭勒經其西會於其北入和
闐達里雅西南距額里齊城三百三十里

塔喀克

塔喀克在喀提里什北二十五里東傍和闐達里
雅西南距額里齊城三百五十五里

瑪爾占鄂勒氏

瑪爾占鄂勒氏在塔喀克北六十五里東傍和闐
達里雅西南距額里齊城四百二十里

吉拉木雅伊氏

吉拉木雅伊氏在瑪爾占鄂勒氏北二十里東傍
和闐達里雅西南距額里齊城四百四十里

巴什布克色木

巴什布克色木在吉拉木雅伊氏北五十里東傍
和闐達里雅西南距額里齊城四百九十里

鄂托喇布克色木

鄂托喇布克色木在巴什布克色木北四十里東

傍和闐達里雅西南距額里齊城五百三十里

愛雅克布克色木

愛雅克布克色木在鄂托喇布克色木北六十里

東傍和闐達里雅西南距額里齊城五百九十里

伯德里克鄂托克

伯德里克鄂托克在愛雅克布克色木北八十里

東傍和闐達里雅西南距額里齊城六百七十里

伯什阿喇勒

伯什阿喇勒在伯德里克鄂托克北九十里東傍
和闐達里雅西南距額里齊城七百六十里

齊克齊鄂托克

齊克齊鄂托克在伯什阿喇勒北六十里東傍和
闐達里雅西南距額里齊城八百二十里

波斯湯托郭喇克

波斯湯托郭喇克在齊克齊鄂托克北一百二十
里東傍和闐達里雅西南距額里齊城九百四十

里又北行七十里至哈喇烏蘇交阿克蘇界自和
闐城東北之勒沁托海至阿克蘇界將及千里由
阿克蘇南行至和闐亦如之

漢書西域傳姑墨國南至于闐馬行十五日

唐書地理志自撥換南而東經崑崗渡赤河又西
南經神山睢陽鹹泊又南經疏樹九百三十里至
于闐鎮城

按漢姑墨在今阿克蘇東所謂十五日至于闐

者即今自波斯湯托郭喇克以南千餘里至和
闐之路唐撥換城在今阿克蘇西循阿克蘇郭
勒東南行渡喀什噶爾達里雅葉爾羌謬斯騰
即自撥換南而東經崑崗渡赤河者也神山睢
陽鹹泊及疏樹當在今波斯湯托郭喇克至勒
沁托海南北千餘里之間

齊爾拉

齊爾拉舊對音為齊喇在玉隴哈什東二百里西

距額里齊城二百三十里民物繁庶無城垣而居
六城之一城西有河自塔克來西北流入於沙磧
唐書地理志于闐東三百里有坎城鎮西域傳于
闐東有媿摩川

按唐地理志所載坎城為于闐最近之城今齊
爾拉在額里齊東二百三十里疑即此地西境
之水應即西域傳之媿摩川也

塔克

塔克在齊爾拉東南一百八十里西北距額里齊城四百十里民物繁庶無城垣而居六城之一城西有河發源山中西北流入齊爾拉境

唐書地理志于闐東蘭城守捉又西經移杜堡彭懷堡次城守捉三百里至于闐

按唐地理志載于闐東境凡三城曰蘭城曰坎城曰次城坎城屬今齊爾拉蘭城屬今克勒底雅則次城應屬塔克也

克勒底雅

克勒底雅舊對音為克里雅在齊爾拉東二百里
西距額里齊城四百三十里有城垣居六城之一
東傍克勒底雅郭勒所屬有我和爾伊里莊哈爾
魯克莊

唐書地理志于闐東六百里有蘭城鎮又故且末
城西經悉利支井祇井勿遮水五百里至于闐東
蘭城守捉

按克勒底雅今為和闐最東境唐時蘭城亦屬于闐東界疑是其故址也和闐國東為古扞彌國地

漢書西域傳扞彌國王治扞彌城去長安九千二百八十里東北至都護治所三千五百五十三里南與渠勒東北與龜茲西北與姑墨接西通于闐三百九十里今名寧彌

後漢書西域傳拘彌國居寧彌城去長安所居柳

中四千九百里去洛陽萬二千八百里順帝永建
四年于寘王放前殺拘彌王興自立其子為拘彌
王而遣使者貢獻於漢敦煌太守徐由上表討之
帝赦于寘罪令歸拘彌國放前不肯陽嘉元年徐
由遣疏勒王臣槃發二萬人擊于寘破之斬首數
百級放兵大掠更立興宗人成國為拘彌王而還
靈帝熹平四年于寘王安國攻拘彌大破之殺其
王戊巳校尉西域長史各發兵輔立拘彌侍子定

興為王時人衆裁有千口其國西接于寘三百九
十里

魏畧扞彌國并屬于闐

唐書西域傳于闐東三百里有建德力河河之東
有汗彌居建德力城亦曰拘彌城即寧彌故城

按古扞彌國西與于闐境接後漢書于寘并有
扞彌之地則今自克勒底雅以東為古扞彌國
地無疑又按前書扞彌東北接龜茲西北接姑

墨龜茲為今庫車姑墨在今庫車阿克蘇之間
而扞彌北與之接是其當時北界直抵今塔里
木訛斯騰即水經注所云南河又東北逕扞彌
國北者方位約畧可見考扞彌始見於漢書又
有寧彌之名後漢書則稱為拘彌魏畧稱為扞
彌唐書稱為汗彌謂即寧彌故城而自扞至汗
音譯述變然唐平高昌都部曾至蔥嶺以南較
之漢時之僅僅通使者稱名較為親切自當以

汗彌為正雖顏師古曾有扞音烏之注彼第就
扞字音注不足據也

以上屬和闐又東為和闐境外地

阿勒屯郭勒

阿勒屯郭勒地以水名在塔克東南二百七十里
踰河流三至其境

蘇格特

蘇格特在阿勒屯郭勒東南一百里踰河流一至

其境

漢書西域傳渠勒國王治鞬都城去長安九千九百五十里東北至都護治所三千八百五十二里東與戎盧西與婁羌北與扞彌接

按古扞彌在今克勒底雅西漢渠勒北與扞彌接是阿勒屯郭勒蘇格特皆在克勒底雅東南境疑皆屬漢之渠勒國地也

巴爾呼都克

巴爾呼都克在蘇格特東南二百里踰河流一至其境

漢書西域傳戎盧國王治卑品城去長安八千三百里東北至都護治所二千八百五十八里東與小宛南與婁羌西與渠勒接辟南不當道

按巴爾呼都克左右境山水兼抱應屬漢戎盧國地至所謂卑品城者則不可考矣

阿氏爾干

阿氏爾干在巴爾呼都克東北四百里踰沙磧至此一水雙流環帶其地西距和闐之克勒底雅郭勒約七百餘里地皆沙磧

漢書西域傳精絕國王治精絕城去長安八千八百二十里北至都護治所二千七百二十三里南至戎盧國四日行地阨隘西通扞彌四百六十里

唐西域記瞿薩旦那東境從此東行入大流沙聚散隨風人行無跡遂多迷路行四百里至都貨邏

故國國久空曠城皆荒蕪

按阿氏爾干在和闐東沙磧之外以道里方向考之應屬漢精絕國唐都貨邏國地由是而東南三百里為碯什達爾烏蘭達布遜塔克應屬古小宛地

漢書西域傳小宛國王治扞零城去長安七千二百一十里西北至都護治所二千五百五十八里東與婁羌接辟南不當道

按漢精絕國北至都護治所而小宛國西北至
都護治所是小宛宜在精絕之東也又戎盧東
與小宛接而辟南不當道則與小宛正同是小
宛又宜在戎盧之東精絕之東南也今碯什達
爾烏蘭達布遜塔克在阿氏爾干之東南巴爾
呼都克之東以小宛故國當之為近似矣又自
碯什達爾烏蘭達布遜諸塔克東北五百餘里
抵安西州屬之敦煌縣界則正漢書所謂出陽

關最近自媯羌始而小宛東與媯羌接者也自
出和關東界其偏東南之國為古渠勒戎虛小
宛正東之國為古扞彌精絕且末樓蘭且末樓
蘭諸考証畧見前安西南路茲不復舉

欽定皇輿西域圖志卷十九

欽定四庫全書

欽定皇輿西域圖志卷二十

山

臣等謹按西北地當艮位扶輿磅礴其勢實居天下之脊語云西北多山有由來矣禹益隨刊世傳山經於西北尤備特其脈絡貫串支幹分合處多略而弗書後世搜竒鑿險之流目擊為難不免支離傳會無以徵信來者乃者

王師奏凱開闢西陲二萬餘里亘祁連之長梁阨極疑
之雄塞其間崇岡疊嶂削嶺橫峯參錯逶迤竒偉
崿列不可名狀總其要領界以天山北連沙漠有
龍行迴顧之竒南挹渾河具鳥翼翕張之勢其餘
條旁幹並起伏蜿蜒互標形勝以至鳥飛猿掛棧
度繩懸之境靡不訝然砉然軒豁呈露自昔三十
六國之雄譚詎誇聚米亦越七十二君之遠略難
詡標銅己且夫雪山葱嶺作鎮金方史傳所垂固

已標名絕域即今昔稱名荒墟參錯而譯音符契
什一猶存如阿爾台之為金山騰格里之為天山
木素爾之為雪山悉昭然可指他若突厥建北庭
於鏃曷山在伊列河西當屬今伊犁河西之布哈
山山經載敦薨山敦薨水出焉西注泐澤泐澤即
蒲昌海為今羅布淖爾敦薨水為海都河則山當
為今之海都山均堪借証而得况募永和之碑尋
貞觀之石高巖剔蘚境不盡於堯封遼谷磨崖疆

未周於戎索以今荒磧不毛伊古棄為甌脫皆得
目營手度搜羅遺跡使荆榛晦昧咸耀於光明重

以

聖天子奎文睿什昭回西極寧第狼居燕然之片石所
得擬夫焯焯煌煌者歟志山第六

欽定四庫全書

欽定皇輿西域圖志卷二十目錄

山一

安西南路

南山

金山

獨登山

寬臺山

尖山

青山

懸泉山

三危山

鳴沙山

羊膊山

青墩峽

三隴山

龍勒山

紅山

安西北路

星星峽

塔勒納沁鄂拉

雅爾瑪罕鄂拉

必柳鄂拉

塔什達巴

庫舍圖達巴

阿勒扎噶勒鄂拉

鄂什奇鄂拉

和洛圖達巴

烏可克達巴

托來達巴

察罕托羅海

哈套鄂拉

察罕哈瑪爾鄂拉

阿達爾干鄂拉

庫克托木達巴

必濟鄂拉

阿濟鄂拉

哈布塔克

欽定皇輿西域圖志卷二十目錄

欽定四庫全書

欽定皇輿西域圖志卷二十

山一

安西南路

南山

南山在安西州南跨越越州境及敦煌玉門二縣地
一名雪山亦名祁連山高峰疊巘積雪春夏消釋
其發源有大河三曰蘇賴曰昌馬曰黨河支流競

發境內資以溉田山自葱嶺分支由葉爾羌和闐
南逕安西州綿亘而東統曰南山由是東接陝西
肅甘涼三州境其東南一支包青海統黃河東入
陝西岷州界經渭水之南而東為武功太白太乙
諸山又東北達於太華即一行所謂北戎皆西域
南山一脈所分

漢書西域傳三十六國南北有大山其南山東出
金城與漢南山屬焉自玉門陽關出西域從鄯善

傍南山北波河西行至莎車為南道

隋書地理志 福祿縣有祁連山

元和志 雪山在晉昌縣南百六十里積雪至夏不消東南連吐谷渾界

通志 雪山在柳溝衛南三百里東西綿亘不絕今亦名南山

按漢時所謂南北山皆自葱嶺分支其北山由疏勒尉頭溫宿龜茲焉耆車師六國東行即今

喀什噶爾烏什阿克蘇庫車哈喇沙爾闢展一
帶北境之山其南山由西夜莎車于闐扞彌戎
盧精絕鄯善諸國東行即今由葉爾羌和闐之
南入沙磧歷安西州敦煌玉門縣南境之山漢
書武帝紀貳師將軍出酒泉與右賢王戰於天
山師古曰即祁連山匈奴謂天為祁連山是漢
所謂天山者即指北山而言若西域傳所云東
出金城與漢南山屬又從鄯善傍山西行為南

道者止稱南山至隋書載福祿縣有祁連山而
晉書地理志載張祚以敦煌郡為商州張元靚以
商州為祁連郡唐書福祿縣東南一百二十里
有祁連戍又以近南山而被名於是南山亦號
天山與漢時之北山為天山者同曰祁連而
實分兩幹也今西域回部諸國皆在南山之北
即漢書所謂南有大山也東至涼甘肅州皆與
此山為一脈即漢書所謂與漢南山屬也自安

西州境外西南行綿亘沙磧直抵葱嶺即漢書所謂從鄯善傍南山北波河西行至莎車為南道者也茲本漢時之舊以北山為天山而於三十六國南境之山止稱南山庶幾稱名近古而彼此不淆若一統志既稱南山在安西衛南五十里又稱雪山在安西柳溝二衛南者以一山分支各就所隸之境而言實未嘗有兩山爾又按今安西州境本淵泉縣地初建沙州衛後

改府淵泉為附府首邑今改直隸州以敦煌玉
門二縣隸屬故於疆域則首叙州次叙縣例也
惟是山川脈絡源流大者跨越數境必統其全
局尋端竟委而後形勢昭然古今符合有未宜
凌躐首尾強與疆域相從者茲於安西山水仍
按大勢近由嘉峪關西出次第編叙審賓主拱
揖之形辨分合注入之道庶幾開帙瞭如此志
中類次諸部山川與疆域分門之通例為特著

於此

金山

金山在玉門縣北靖逆城東九十里環縣東西北
三面綿亘二百餘里其西北境山峽曰赤金峽赤
金湖自縣南北流逕峽中其下流入阿拉克池當
山之南麓

元和志金山在玉門縣東六十里出金

寰宇記玉門縣長三百里石門周市山間

按一統志載金山在赤金所東又稱赤斤山在赤金所西三十里似屬兩山今以形勢求之山在玉門縣北而亘乎東西蓋一山而異名者自赤金峽折而北東逕縣城與寰宇記所云玉門縣長三百里石門周市山間者相合是則縣名玉門衛名赤金皆取義於此

獨登山

獨登山在玉門縣北距城十里踰赤金湖而至又

玉門縣南有紅山

元和志獨登山在玉門縣北十里其山出鹽甘美
有異常鹽取充貢獻

按今玉門縣北之山即赤金峽之折而東北者
舊名獨登當縣城直北應屬金山之支峰

寬臺山

寬臺山在玉門縣城東九十里惠回堡北山寬如
臺故名

一統志寬臺山在赤金所東南嘉峪關西

按今嘉峪關迤西之山統名南山寬臺亦應其
支峰也又唐書玉門縣南有神雨山疑與寬臺
山相近

尖山

尖山在安西州之東黃蘆岡西北九十里西南距
州城四百五十里踰河而至其東為往哈密孔道

青山

青山在尖山西北一百六十里中經東長流水至
此西南距縣城六百十里地當孔道

懸泉山

懸泉山在敦煌縣東一百三十里即南山之支峰
山脈自縣境南來復繞為東屏山中水峽即懸泉
也

元和志懸泉山在沙州東北百三十里

按沙州東北百三十里當屬漢廣至縣地據後

漢書注廣至故城在常樂東境又當為唐之常樂據此則漢書地理志稱廣至縣有昆侖障唐書地理志稱常樂縣有拔河帝山當與懸泉山方位相近也

三危山

三危山在敦煌縣城東南四十里亦南山之支峰三峰聳峙勢極危峻故名

山海經三危之山三青鳥居之是山也廣員百里

水經注三危山在敦煌縣南

隋書地理志敦煌郡敦煌縣有三危山

唐書地理志沙州敦煌郡敦煌縣東四十七里有

三危山

括地志山在敦煌縣東南三十里山有三峯故曰

三危

按尚書舜典竄三苗于三危禹貢雍州三危既
宅又導弱水至于三危孔安國傳三危西裔之

山此西域山名見於經者厥名為最古矣更以
山經以下諸書証之即今敦煌縣東南四十里
之山無疑也唐一行叙北戒諸山獨以三危為
首是不知皆葱嶺南山所分三危亦其支峯耳
魏書太平真君六年討吐谷渾杜豐追被囊度
三危山至雪山生擒之即謂此山又括地志三
危山俗名卑羽山寰宇記俗名昇雨山皆一山
而隨時異名者

鳴沙山

鳴沙山在敦煌縣東南十里黨河經其西南積沙所成峯巒危峭踰於石山四面皆沙隴背如刀刃人登之即鳴隨足墜落經宿雨吹輒復如舊天氣晴朗沙鳴聞於城內其西即禹貢謂餘波入于流沙者也山有泉曰沙井挹注不竭水極甘美山麓有泉名月牙其東為千佛洞有雷音寺建寺之始不詳年代岩石間佛像萬計寺有唐朝散大夫鄭

王府諮議隴西李太賓碑唐涼州司馬檢校國子

祭酒兼御史中丞

姓氏

碑各一

水經注敦煌縣南七里有鳴沙山

隋書地理志敦煌郡敦煌縣有神沙山

元和志鳴沙山一名神沙山

唐朝散大夫鄭王府諮議隴西李太賓碑文

十五

字飛閣

字

霞連衣

字

居

字

出人境聖

字

時照一川星懸

字

鐘

字

雷

字

靈仙鬼佛往

往而在

缺一字

以賊臣千

缺一字

暴殄天物東自隴

缺一字

字舊陌走狐兔之羣西盡陽關遺邑聚豺狼之窟

缺一字木夜驚和門晝扃塔中委塵禪處生

缺一字一時

有信士朝散大夫鄭王府諮議隴西李太賓其先

指樹命氏紫氣度流沙之西刺山騰芳

缺一字

名感

懸泉之下時高射虎人望登龍開國西涼稱藩東

晉諮議即興聖皇帝十三代孫遠派天分世濟其

美靈根地植代不乏賢六代祖寶隨使持節侍中

西陲諸軍事鎮西大將軍領護西戎校尉開府儀

同三司沙州牧燉煌公玉門

字缺一

封邑三千戶曾

祖達皇燉煌司馬其後因家焉祖操皇大黃府車
騎將軍考奉國皇昭武校尉甘州和平鎮將早逢
昌運得展雄材一命是凌雲之資百齡懷捧日之

慶垂條

字從原刻

布穎業繼弓裘築室連閭里成冠蓋

難兄令弟卓然履道之賢翼子謀孫宛爾保家之
主詔議天授淳粹神假正直交遊仰其信鄉黨稱

其仁義泉深沈酌而不竭道氣虛遠感而遂通嘗
以為挹江海者難測其淺深望乾坤者不究其方
圓况色空皆空性相無相豈可以名言悟豈可以
文字知夫然故方丈小室默然入不二之妙智度
大道法爾表無念之真以其虛谷騰聲洪鐘應物
所以魔宮山坼佛日天開愛水朝清昏衢夜曉一
音演法四衆隨緣直解髻珠密傳心印凡依有相
即是所依若住無為還成有住由是巡山作禮歷

險經行盤迴未周軒檻

缺一字

斷刻削有地締構無

人遂千金貨工百堵興役奮鎚聳壑揭石聒山素
涅盤像一鋪如意輪菩薩不空罽索菩薩各一鋪
畫報恩天請問普賢菩薩文殊師利菩薩東方藥
師西方淨土千手千眼觀世音菩薩彌勒上生下
生如意輪不空罽索等變各一鋪賢劫千佛一千
軀初坏土塗旋布錯彩豁開石壁儼現金容本自
不生示生於千界今則無滅示滅於雙林考經尋

源備物象設梵王奔世佛母下天如意聖輪圓轉
三有不空妙索維持四生人其報恩天則請問六
牙象寶搖紫佩以棲真五色獸王載青蓮而捧聖
十二上願列於淨刹十六觀門開其樂土大悲來
儀於鷲嶺慈字缺一降跡於龍華丕休哉千佛分身
聚成沙界八部敷衆重圍鐵山希夷無聲悉宰欲
動爾其簷飛雁翅砌盤龍鱗雲霧生於戶牖雷霆
走於階陛左豁平陸目極遠山前流長河波映重

閣風鳴道樹每韻苦空之聲露滴禪池更澄清淨
之趣時節度觀察處置使開府儀同三司御史大
夫蔡國公周公道洽生知才膺命世清明內照英
華外敷氣邁風雲心縣日月文物居執憲之重武
威當杖鉞之雄括囊九流住持十信爰因蒐練之
暇以申禮敬之誠揭竿操矛關戟以從蓬頭駢脇
傍車而趨熊羆啓行鷓鴣陪乘隱守缺三三蕩谷搖川
而至於斯窟也層軒九空複道一帶前引簫唱上

干雲霓雖以身容身投迹無地而舉足

字缺一

足登

天有堦目窮二儀心出三界有若僧政沙門釋靈

悟法師即諮議之愛弟也戒珠圓明心鏡朗澈學

探萬偈辯折千人出火宅於

字缺一

乘破空遣相指

化城於四座虛往實歸於是引兄大賓弟朝英姪

子良子液子望子羽等拜手於堦下法師及姪僧

志融歛袂於堂上曰主人恤人求瘼戡難濟時并

稅且均家財自給是得旁開虛洞橫敞危樓將以

翼大化將以福先烈休庇一郡光昭六親况祖孫
五枝圖素四剝堂構免墜詔殿無慚非石何以表
其貞非文何以紀其遠且登高能賦古或無遺遇
物斯銘今豈遐弃紛然遞進來以求蒙蔡公乃指
精廬而謂愚曰操斧伐柯取則不遠屬詞比事固

可當仁仰恭指歸俯就誠懇敢

字缺二

其狂簡庶髣

髣於真宗

字缺十

十

字缺一

年龍集景辰

字缺五

有十五

日辛未建

字缺二

妹夫鄉貢明經撮燉煌州學博士

陰庭誠

唐涼州司馬檢校國子祭酒兼御史中丞

碑

以上

缺籍

缺二

乃

缺八

字

缺八

王

缺二

也

缺一

增祖

九缺

字

司郎中賜緋魚袋

缺十

歸唐

缺一

右散騎常侍

英髦驤駟

缺三

皆以

缺一

古微言留心儒素或登

華第更高拔

缺一

之名文戰都堂每中甲科之的

雖云前陷居

缺一

而不墜弓裘暫冠

缺二

猶次將

軍之列子既承恩鳳闕父乃擢處貂蟬朱門不愧

於五侯樹戟崇隆於貴族至於源分特秀門繼簪
裾家承九錫之枝流派祥雲之允時遭西陲汨沒
至德年中十郡土崩彌絕玉關之路凡三甲子運
偶大中之初中興啓途是金星耀芒之歲皇化溥
洽通乎八宏遐占雪山綿邈萬里府君春秋纔方
弱冠文藝卓犖進止規常迴然獨秀時則妻父河
西隴右一十一州節度管內觀察處置押蕃落營
田支度等使金紫光祿大夫特進食邑二千戶實

封三百戶賜紫金魚袋南陽張公諱義潮慕公之高望藉公之文武於是乃為秦晉遂申伉儷之儀將奉承祧世祚潘揚之美公其時也始蒙表薦因

依獻撻

字從原刻

親拜彤庭宣宗臨軒

字缺二

所以公具

家謀面奏玉階上亦冲融破顏羣公愕視乃從別

字缺一

勅授涼州司馬檢校國子祭酒兼御史中丞

賜紫金魚袋錫金銀寶貝詔命陪臣乃歸戎幕

二缺

字餘載河右麾戈拔幟扶囊龍韜盡展克復神鳥

而壹戎衣殘勅寇於河蘭馘獯戎於澣

字從原劉義當作澣

海加以隴頭霧卷金河泯湍瀨之波蒲海梟鯨流

沙弛列烽之患復天寶之

字缺二

致唐堯之壽域晏

如也百城無拜井之虞十郡豐登吏士賀來蘇之

政此乃三槐神異百辟稀功英雄半千名流萬古

公又累蒙朝獎恩渥日深方佩隼旗用堅磐石勲

猷未

字缺一

俄已云亡享齡五十有二終於燉煌之

私第亡叔僧妙弁在蕃以行高才峻遐邇瞻依名

達戎王贊普追召特留在內兼假臨壇供奉之號

缺一字以擅持談柄缺一字辯缺一字流恩洽燉煌庇休

家升高僧寶月取以為侍僧叡餘蹤扇於河隴亡

妣汜氏太夫人龍缺一字鼎鼐盛族孤標庭訓而保

子謀孫軌範而清資不乏承家建業薦累代而揚

名閱閱聯綿長緒帝王之室今乃逝矣佳譽存焉

故府君贈右散騎常侍生前遇三邊無警四人有

暇於東臯命駕傾誠謁先人之寶刹迴顧粉壁念

疇昔之遺蹤瞻禮玉豪嘆紅樓之半側豈使林風
透閨埃塵寶座之前崦嶺陽烏曝露茶毗之所登
道之南復有當家三窟今亦重修泥金華石篆籀
存焉於是乃募良工訪其祀梓質材運斧百堵一缺

字成魯國班輸親臨勝境雲霞大豁寶砌崇墉未

及星環斯構矗立雕簷化出巍巍不讓於龍宮懸

閣重軒曉方字缺一於日際其功大矣筆何宣哉亡

兄河西節度衙推兼監察御史明達天與孤貞松

筠比節懷文挾武有張賓之策謀破虜擒奸每得
玉堂之術曾朝絳闕敷奏金鸞指畫山川盡縱橫
於天險兄明德任沙州錄事參軍摻持吏理六曹
無阿黨之言深避四知切慕乘鷗之詠兄明詮燉
煌處士今古滿懷灑落卿雲之彩字缺一先效靈光
騰喬露之文五柳字從原刻閑居慕逍遙於莊字從原刻老
夫人南陽郡君張氏即河西萬戶侯太保張公第
十四之女溫雅暢淑德令聞深遵陶母之仁至

切齊省之慘先君歸覲不得同赴於京華外族留
連各分飛於南北於是兄亡弟喪社稷傾淪假手
托孤幾辛勤於苟免所賴太保神靈辜恩勦斃重
光嗣子再整遺字缺雖手弔大功而心全弃置見
機取勝不以為懷乃義立姪男秉持旄鉞總兵戎
於舊府樹勲績於新墀內外肅清秋毫屏迹慶豐
山踴呈瑞色於朱軒陳霸動容歎字缺壯室四方
嚮義信結隣羌運籌不媿於梓橦貞烈字缺慚於

世婦間生神異成太保之徽猷雖處閨門實謂丈

夫之女然心悟道併弃樊籠巡禮仙巖

影字從原刻圖

鐐於

缺二字

於時頓捨青鳧

缺一字

紫金於上國解纓

絡弃珠珍銷金鈿於廟廡運虛縻於庭際乃得玉

毫朗耀光衝有頂之峯室相發輝直抵大羅之所

長男使持節沙州諸軍事

缺一字

沙州刺史兼節度

副使檢校右散騎常侍御史大夫上柱國宏愿輔

唐憂國政立祥風忠孝頗懇於君親禮讓靡忘於

伯玉六條布化千里隨車人歌來暮之

字缺三

龔黃

之績次男使持節瓜州刺史墨離軍押蕃落等使

兼御史大夫宏定文武全材英雄賈勇晉昌要險

能布頗牧之威

字缺一

野大荒屏盪匈奴之迹挾纊

字缺三

士卒泯燧不媿於襄陽都河自注人知有道

之君積貯万

字從原

廂東郡著彫金之好次男使持

節甘州刺史

字缺一

御史中丞上柱國宏諫飛馳拔

拒惟慶忌而難儔

字缺三

楊非由基而莫比洎分符

於張掖改恤憐孤布皇化於專城懸魚發詠次男

朝議郎前守左神武軍

字 缺 二

兼侍御史宏益三端

俱備六藝精通工書有顏

字 缺 四

札連芳於射戟

三 缺

字達文雅而德重王音於時豐年天稔星使西臨

親抵燉煌頌宣聖旨內常侍

字 缺 六

玉裕稱克珣副

倅師大夫稱齊珙判

字 缺 一

大夫

字 缺 二

回偕

字 缺 五

樞

密杞材遐耀天威呈祥塞表因鑿樂石共紀太平

余所不

字 缺 二

然狂簡

字 缺 七

季歲次甲寅十月庚申

朔五日甲

一字十缺

宋國

字八缺

西

字二缺

節度使兼司徒

張

字二缺

妻弟前沙瓜伊

字六缺

撿校

字三缺

兼御史

二缺

十餘字

節度使兼御史大夫

以下缺

五代高居誨使于闐記西至沙州南十里鳴沙山

寰宇記鳴沙山一名沙角山

按鳴沙神沙沙角一山而異名而鳴沙之名最

古後周併燉煌鳴沙平康效穀東鄉龍勒六縣

為鳴沙縣蓋亦因山而得名也至山麓雷音寺

唐碑二一為朝散大夫鄭王府諮議隴西李太
賓碑高四尺五寸濶二尺五寸一為涼州司馬

檢校國子祭酒兼御史中丞

姓氏缺

高四尺二寸

濶二尺一寸以李碑文義考之當是李大賓為
鄭王府諮議時捐金建寺而立其紀年之處有

十

缺

年龍集景辰字彷彿可辨終唐之世丙辰

紀年者五一為高宗顯慶元年一為元宗開元
四年一為代宗大歷十一年一為文宗開成元

年一為昭宗乾寧三年則此碑之立當屬大曆
之十有一年也其涼州司馬碑姓氏無考文惟
稱其為張義潮女夫義潮薦之於朝者考義潮
於大中五年以瓜沙伊肅鄯甘河西蘭岷廓十
一州來歸即文內亦有大中之初及宣宗臨軒
之語其為宣宗後碑無疑碑末紀年雖缺而歲
次甲寅十月庚申朔五日等字則甚分明以甲
子推之宜屬昭宗乾寧元年也

羊膊山

羊膊山在敦煌縣南多山石少樹木

寰宇記敦煌縣有羊膊山又有王母樗蒲山山有

鹽池在縣西南

青墩峽

互見疆域

青墩峽在敦煌縣北一百九十里踰南籍端水至

其地又迤西北行市於兩山之間約百里許曰博

羅圖口為往哈密西道

三隴山

三隴山在鳴沙山西南八十里黨河西東距敦煌
縣城一百二十里形如山字巨石中斷形勢自鳴
沙山西走迤邐八十里至黨河而斷河西三峯卓
立肅州新志所謂玉門關外有三斷山石極大世
謂之三隴山是也由是而西沙多土少又四十里
過巴顏布拉克一望皆沙磧矣山北有五峯其一
名首蓓峯東距敦煌縣城一百五十里

按唐岑參首蓓峯寄家人詩云首蓓峯前逢立
春註云玉門關外有五峯首蓓峯其一也

龍勒山

龍勒山在敦煌縣西南三百里其下即為龍勒水
漢龍勒縣因山以名

舊唐書地理志壽昌漢龍勒縣地縣南有龍勒山
括地志龍勒山在壽昌縣南一百六十五里

按龍勒山應與龍勒故城相近者今黨河西境

高原之上城基三四號古營盤或即當時城郭遺墟其左右山形環帶所謂龍勒山也

紅山

紅山在敦煌縣西東距縣城一百二十里黨河之西地名紅山口東十里有石鄂博其西為古陽關

說見卷八疆域

以上屬安西州

安西北路

星星峽

互見疆域

星星峽在哈密東南四百九十五里南距安西州屬之馬蓮井七十里迤邐東北行四百十五里為西黃蘆岡峽在沙磧中接安西州界

塔勒納沁鄂拉

塔勒納沁鄂拉

鄂拉蒙古語謂山也後倣此

在塔勒納沁南星

星峽北二百五十里西南距哈密城四百五十里勒納沁郭勒分出于其南北麓為二源其北四十里有雪蓮坪相傳雪蓮產此者佳山脈自葱嶺分

支迤東而來三千餘里至此為天山東盡處

按塔勒納沁鄂拉天山東境於茲而盡由是歷

嶂西行入鎮西府

即巴爾庫勒

界峻嶺層沓亦屬天

山之尾閭茲以哈密及鎮西府界內峰巒皆舊疆域所隸故先舉之

又按宋王延德高昌行記載自夏州歷樓于山都督山唐回鶻之地又經馬駿山望鄉嶺嶺上石龕有李陵題字處然後歷伊州伊州為今哈密

則樓于都督諸山當在今哈密東南境上惟是
史傳所紀其未載明方位及無道里可稽者必
一一指其山以實之則失之鑿矣為附見於此
以上屬哈密

雅爾瑪罕鄂拉

雅爾瑪罕鄂拉在塔勒納沁鄂拉西一百五十里
圖古里克之南西北距鎮西府城三百里山脈自
庫舍圖達巴東行二百里至此峰巒峻拔

必柳鄂拉

必柳鄂拉在雅爾瑪罕鄂拉西南一百里必柳布拉克出其南麓

塔什達巴

塔什達巴

達巴蒙古語謂嶺也後倣此

在必柳鄂拉西北三十

里呼濟爾台之東南鞭桿河出其南麓

按蒙古謂山為鄂拉回語謂山為塔克嶺則同謂之達巴志中凡以漢語名者皆仍其舊如南

山沙山金嶺葱嶺之屬其以蒙古語及回語名者各以類從如塔勒納沁鄂拉塔什達巴哈布塔克之屬庶稱名較順不相淆雜云

庫舍圖達巴

庫舍圖達巴在塔什達巴西奎蘇東南六十里西北距鎮西府城一百五十里山脈自烏可克達巴東行三百里至此即巴爾庫勒南山山徑稍夷為南北通行之道俗名東打坂打坂即達巴之轉音

蓋言嶺也與西打坂東西相望度嶺北行十里為

招摩多

漢語名
松樹塘

自哈密東北行五十里為南山口

即山南入嶺處上有唐左屯衛將軍姜行本碑雍正十一年間將軍查郎阿開南山運道經數十折達於山頂

唐左屯衛將軍姜行本勒石

缺二字

文昔匈奴未滅

竇將軍勒燕然之功闐越未清馬伏波樹銅柱之蹟然振英風於絕域申壯績於殊方缺騰缺於千

秋播芳猷於萬古者矣大唐德合二儀道高五帝
握金鏡以朝萬國調玉燭以馭兆民濟濟衣冠煌
煌禮樂車書盛軌扶桑之表皆同治化所沾濛汜
之鄉咸暨苑天山而池瀚海開北戶以靜幽都莫
不解辮髮於蒿街改左衽於夷邸高昌國者漢屯
田之舊壁遺兵之所居麴文泰即其酋豪也往因
晉室多難羣雄競馳中原乏主邊障遂隔間屆
玉歷缺自王威遠被稽顙來庭雖沐仁風情懷首

鼠杜遠方之職貢阻重譚之缺肆豺狼之心起蜂
蠆之毒發徒聚衆兵缺政無已聖人愍彼蒼生申
茲弔伐乃詔使持節光祿大夫吏部尚書陳國公
侯君集交河道行軍大總管左屯衛大將軍上柱
國永安郡開國公薛萬鈞副總管左屯衛將軍上
柱國通川縣開國男姜行本等爰整三軍張行天
討但妖氛未殄將軍逞七縱之威百難作圍英竒
申九攻之畧以通川公深謀間出妙思縱橫命前

軍營造攻具乃統沙州刺史上柱國望都縣開國
侯劉德敏右監門中郎將上柱國淮安縣開國公
衡智錫左屯衛中郎將上柱國富陽縣開國伯屈
昉左武侯郎將李海岸前開州刺史時德衡右監
門府長王進威等並率驍雄鼓行而進以貞觀十
四年五月十日師次伊吾折羅漫山登里缺所未
盈旬月克成竒功伐木則山林殫盡叱咤則山谷
蕩薄衝梯缺百櫓冰缺機櫓一發千石雲飛墨

翟之術無施公輸之妙詎比大總管運籌帷幄繼
以中軍鐵騎亘原野金鼓動天地高旌蔽日月長

戟彗

缺

雲自秦漢出師以來未有如斯之盛也班

定遠之通西域故迹罕存鄭都護之滅車師空聞
前史雄圖世著彼獨何人乃勒石紀功傳諸不朽
其詞曰於赫大唐受天明命化齊得所功無與競
荒服猶阻夷君不定乃拜將軍殄茲梟獍其一六奇
動思羣雄逞力陣門龍營缺麗星日光旗明白

色揚旌塞表振威西極其峩峩峻嶺渺渺平原塞

雲冥結胡風晝昏長征缺高樹缺銘功讚德以下

大唐貞觀十四年歲次庚子六月丁卯朔二十五

日辛卯瓜州司法參軍河內司馬

缺下

唐書姜行本傳高昌之役為行軍副總管出伊州

距柳谷百里依山造攻械增損舊法械益精其處

有漢班超紀功碑行本磨去古刻更刊頌陳國威

靈遂與侯君集進平高昌

按庫舍圖達巴譯言碑嶺姜碑現存是嶺以碑名無疑也舊一統志謂即侯君集平高昌後紀功碑倣竇憲勒銘燕然意不在高昌國都然考唐書太宗紀貞觀十三年十二月壬申侯君集為交河道行軍大總管伐高昌十四年八月癸酉克高昌侯君集傳高昌平君集刻石紀功還據此則君集刻石紀功當在八月癸酉克高昌後今碑嶺之碑石刻六月辛卯可知其非一碑且

文中但著出師之盛未陳凱捷之功更以姜行
本傳磨班碑更刊頌之文証之所謂依山造械
者正與碑文伐木殫林公輸比妙諸語相合則
此碑之建應在伊州造械時進平高昌以前是
侯君集平高昌紀功當別有刻石未可云即屬
此碑而當時紀功之碑亦未必不立於高昌國
都也

阿勒扎噶勒鄂拉

阿勒扎噶勒鄂拉在庫舍圖達巴西北東南距鎮西府城八十里山脈自西五十里之和洛圖達巴東北行綿亘百餘里與鎮西府北境哈套察罕哈瑪爾阿達爾干諸山相接為天山之分支

鄂什奇鄂拉

鄂什奇鄂拉一名獨子山即阿勒扎噶勒鄂拉支峰在巴爾庫勒淖爾南十五里

和洛圖達巴

和洛圖達巴在阿勒扎噶勒鄂拉西五十里菟濟西南當孔道東北距鎮西府城一百里山脈自西五十里之烏可克達巴東行至此稍折而北

烏可克達巴

烏可克達巴在和洛圖達巴西五十里當孔道東北距鎮西府城一百五十里山脈自西三十五里之托來達巴東行至此山徑稍夷可通南北俗名西打坂

托來達巴

托來達巴在烏可克達巴西三十五里托來布拉
克出其西麓東北距鎮西府城一百九十五里山
脈自西七百餘里之博克達鄂拉分支東北行至
此當鎮西府東南境

察罕托羅海

察罕托羅海猶云白峰也在托來達巴西

哈套鄂拉

哈套鄂拉在阿勒扎噶勒鄂拉西西里克拜姓城
東北東南距鎮西府城一百八十里山脈自西來
南接托來達巴東行為鎮西府境北屏

察罕哈瑪爾鄂拉

察罕哈瑪爾鄂拉在哈套鄂拉東巴爾庫勒淖爾
爾之北南距鎮西府城四十里

阿達爾干鄂拉

阿達爾干鄂拉在察罕哈瑪爾鄂拉東一百六十

里舊木城之北阿拉克椿濟郭勒流其東西南距
鎮西府城二百里

庫克托木達巴

庫克托木達巴在阿達爾干鄂拉東哈喇和屯之
西北山脈自哈套鄂拉東行為察罕哈瑪爾鄂拉
又東為阿達爾干鄂拉至此又東北行五百餘里
踰鎮西府界入於沙磧

漢書武帝紀天漢二年貳師將軍出酒泉與右賢

王戰於天山注晉灼曰在西域近蒲類國去長安
八千餘里師古曰即祁連山也匈奴謂天為祁連
今鮮卑語尚然

後漢書明帝紀永平十六年遣奉車都尉竇固出
酒泉伐北匈奴破呼衍王於天山十七年遣奉車
都尉竇固駙馬都尉耿秉騎都尉劉張出敦煌昆
侖塞擊破白山虜於蒲類海山遂入車師注河西
舊事曰白山冬夏有雪故曰白山匈奴謂之天山

過之皆下馬拜去蒲類海百里之內

魏書高車傳彌俄突與蠕蠕主伏圖戰為伏圖所
敗西走三百餘里伏圖次於伊吾北山

唐書地理志伊州伊吾縣有折羅漫山亦曰天山

按漢貳師將軍與賢賢王戰於天山出酒泉而
近蒲類國今之鎮西府即舊巴爾庫勒為匈奴
東蒲類王茲力支地則此天山應在鎮西府境
也漢敦煌太守裴岑誅呼衍王其碑刻現存寶

固破呼衍王於天山在唐伊川北擊破白山虜
遂入車師在蒲類海百里之內唐伊州為今哈
密及鎮西府漢車師為今闐展是竇固破虜之
處當在伊州之南車師之西所謂天山白山者
自今托來達巴至塔勒納沁鄂拉東西綿亘之
山皆是哈密及鎮西府漢為伊吾盧地於魏入
蠕蠕則魏書所謂伊吾北山即指伊吾盧北境
之山可知唐書稱折羅漫山亦曰白山蓋一天

山而古今異名者云在伊吾柔遠北則亦不外
哈密及鎮西府境內矣

又按舊一統志於哈密境內載有但密山據元
和志山北二十里正抵蒲類海之文謂但密山
在哈密東北而以元和志所謂繞海多良田漢
將趙充國屯者為無據今考充國傳前征匈奴
後征先零羌屯田係征羌時事先零羌居西域
之南充國屯田以隔絕羌胡在北祁連山之南

決無北踰天山而屯於蒲類之理又元和志稱
但密山在納職縣北一百四十里唐書納職縣
以鄯善故城置在玉門關西則元和志所云蒲
類海者當即蒲昌海境與南羌相近充國所屯
宜在於此而但密山之不在哈密境內可知也

必濟鄂拉

必濟鄂拉在庫克托木達巴北一百二十里地當
孔道南東北踰山至華烏里雅蘇台折而西北行

二百餘里為古爾畢達巴入天山北路界

阿濟鄂拉

阿濟鄂拉在必濟鄂拉東北一百里當孔道南通
哈喇和屯一百里

哈布塔克

互見疆域

哈布塔克


塔克回語謂山也後倣此

在必濟鄂拉西北四圍皆

沙磧東南距鎮西府城四百里自此西北行與天山北路之拜塔克相接為準噶爾舊疆交界處山

北六十里即布拉干郭勒

以上屬鎮西府



欽定皇輿西域圖志卷二十